

## ILANNGUSSAQ

### **Pilersaarusionerq aamma nunaminertat atorneqartarnerat pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015 aamma Pilersaarusionerq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-imeersoq naapertorlugu atortut aamma suleriaaseq tunngaviumik qinnuteqaatit.**

Qinnuteqaatip tunngaviumik qinnuteqaatit isigineqarnissaanut pissutsit makkua atuuttarput, Pilersaarusionerq aamma nunaminertat atorneqartarnerat pillugit Inatsisartut inatsisaata allanngortinneqarneranik Inatsisartut inatsisaat nr. 34, 9. december 2015-imi § 44 aamma § 45-mi allassimasut takukkit:

- Tunngaviumik pilersaarut kommunip pilersaarutaanik siunnersuusiornissamut tunngaviussaaq aamma/ imaluunniit nunatsinni inatsisit naapertorlugit avatangiisit pillugit periusissanut siunnersuusiornissamut (CMV) imaluunniit avatangiisinut sunniutigisinnaasat nalilersuivigineqarnissaannut (VVM) avatangiisinut sunniutissanik nalilersuivigineqarnissaannut tunngaviussalluni.
- Qinnuteqartup teknikkikkut piginnaasat piumasaqaatitai naammassisinnaanerai aamma aningaasatigit nammassinnaanerai uppersarsaasersorneqassaaq.
- Tunngaviumik pilersaarutit siunnersuusiornissamut aningaasat qinnuteqartumit akilerneqassapput.

### **Atortut allattorsimaffiat**

Inatsisartut inatsisaat nr. 34, 9. december 2015-imi § 45-mi allassimasut naapertorlugit atortussat allattorsimaffiat ataani allassimasut nassiunneqareerpata Avannaata Kommuniiani/ Kommune Qeqertalik-mmi tunngaviumik qinnuteqaatit tamarmik nunaminertamik atuisinnaanermik iniminniissunneqartassapput.

Atortut allattorsimaffiat tunngaviumik pilersaarutit peqqissaarunneqarnissaannut qulakkeerinntuussaaq aamma tunngaviumik pilersaarutit tamarmik assigiimmik tunngaveqarlutik suliarineqarnissaat isumagissallugu – soorlu assersuutigalugu tunngaviumik pilersaarutit siunnersuutip ataatsip piffissami allagarsiunneqarfiata nalaani tunngaviumik pilersaarutit siunnersuutaasinnaasunik nassiussisoqarsinnaasarpoq.

Tunngaviumik pilersaarutit allaaserineqarneri titartagartaallu pilersaarutit kissaatigisaq nassuiartussaavaat aamma taakkua imarisai aallaavigalugit isummertoqartussaassalluni. Pilersaarut minnerpaamik makkunannga atortoqassaaq aamma makkua allaaserineqartussaassapput:

- **Pilersaarutip titartagartaa minnerpaamik 1:2.000-mik uuttuutitalik**  
Pilersaarutip titartagartaata sanaartugassatut siunnersuutigineqartoq taassumalu avatangiisai takutissavai.
- **Sanaartugassatut pilersaarut ima uuttuuserlugu 1:500**  
Sanaartugassatut pilersaarut sanaartugassatut siunnersuummik itisilikkamik allaaserinnittuussaaq (illut, nunaminertat asiariartarfiit, uninngasarfiit, biilit uninngasarfiit, toqqorsiveqarfiit inaat, eqqaaveqarfiit inaat, ineqarfiup tungaanut appakaaffiit, inuit pisuffii/ aqquserngit, teknikkikkut atortorissaarutit) qanoq inissisimanissai qanoq eqqarsaatersuutigineqarnerisut uani allaaserineqassapput.
- **Pilersaarutip titartagartaasa immikkuualuttortai**  
Sanaartugassatut siunnersuutip nunamut/ nunaannarmut/ nunap sannaanut tulluarsarneqarnera aamma sanaartugassatut siunnersuutip eqqaani sanaartukkat uani allaaserineqassapput.
- **Pilersaarut aamma pilersaarutip sannaasa ilusai**  
Sanaartugassatut siunnersuutip atortulersuutai, qalipaatisai, tigussaasumik immikkuualuttortai aamma uuttuutai uani allaaserineqassapput.

- **Takussutissiat aamma uuttutit kisitsisitaasa titartagartaat**  
Taakkua sanaartugassatut siunnersuutip silataasa isikkuannik allaaserinnittuussapput. Takussutissiani seqerngup tarrat, takuneqarsinnaasut sunniutigisinnaasai aamma sanaartukkap avatangiisinut malunniutissai qanorlu angissuseqarnissaat takutissinnaasussaassavaat.
- **Sanaartukkap piffissalersorlugu pilersaarutitaa**  
Sanaartugaq immikkoortukkuutaarlugu sananeqarnera aamma pilersaarut qaqugu atuutilersinneqarsinnaassanersumik ilimasuutit pingaarnertut pilersaarummi allaaserineqassapput.
- **Sanaartugaq aningaasassaqaartineqarnera aamma teknikki eqqarsaatigalugu piviusunngortinneqarsinnaanersaq uppersaasarsorneqassaaq**
- **Eriagisariaqartutut naleqartitat, nunaminertap avatangiisanni kulturi**  
Pilersaarut nunaminertami eriagisamiippat imaluunniit taamaattup qanigisaani pilersaarut tamatumunnga qanoq isummerfigisariaqarnera allaaserinnittoqarsimassaaq. Tamanna aamma atuutissaaq nunaminertap sanaartorfissatut takorluukkap eqqaani illumik eqqissisimatitamik peqarpat imaluunniit eqqissisimatitap eqqaani sanaartornissaq pilersaarutaasimappat, imaluunniit illu eqqissisimatitap imaluunniit eriagineqartussa q pilersaarutit namminerpiap iluani pineqarsimappat.
- **Qaammaqqusersuineq aamma allagartalersuineq**
- **Suliniutit imminnut napatissinnaasut/ akilersinnaasut**

## Tunngaviumik pilersaarutit qinnuteqaatitaanik suliarinnittariaaseq

- Tunngaviumik pilersaarut tiguneqartoq paasissutissanik tamanik, atortut allattorsimaffianni allassimasunik, pisariaqartinneqartunik ilaqarsimatillugu qinnuteqaat kommunalbestyrelsimit suliarineqartussaassaaq. Tunngaviumik pilersaarut tigusaq akuerineqarsinnaassanersaq kommunalbestyrelsim isummerfigissavaa aamma sivikinnerpaamik sapaatip-akunnerini arfinilinni allagarsiivimmiitineqassaaq.
- Qinnuteqaat kommunalbestyrelsim akuerissappagu sivikinnerpaamik taanna sapaatip-akunnerini arfinilinni tamanut saqqummitinneqarluni allagarsiivimmiitineqassaaq. Tunngaviumik pilersaarutit tamanut allagarsiivimmiitineqarnerani titartakkat, allaaserinninnerit assillu pilersaarutit piviusorsioruunerani tamanik takutissinnaasuussapput. Allagarsiivimmitiseriaaseq kommunip pilersaarutaata tapissaanik saqqummiutarneri assigalugit pissaaq, tassa imaappoq: tunngaviumik pilersaarut allagarsiivinni, kommunip nuttartaagaani, nittartakkap iserfissartaani kiisalu kommunip nittartaagaani allagarsiissutigineqassaaq. Piffissami allagarsiivimmi innuttaasut tamarmik aamma inuussutissarsiutillit tamarmik tunngaviumik pilersaarummut akkerliullutik oqaaseqaatinik aamma oqaaseqaatinik tunniussinissaminut periarfissaqartinneqassapput kiisalu tunngaviumik pilersaarutaaratarsinnaasunik nassiusinnaassallutik.
- Piffissami allagarsiivimmi tunngaviumik pilersaarutaaratarsinnaasunik tigusaqartoqassappat, atortunik allattorsimaffimmi tamanik paasissutissartaqartunik, kommunalbestyrelsim tunngaviumik pilersaarutit siunnersuutit ataatsimik arlalinnilluunniit piumasqaatitarsinnaavai. Tunngaviumik pilersaarutaaratarsinnaasup atortunik allattorsimaffimmiittut naammassisimassappagit tunngaviumik nallersuussisoqarsinnaalissaaq. Pilersaarutit naligiittut kommunalbestyrelsim nalilissappagit, tunngaviumik pilersaarutit tamanut allagarsiunneqareersut tiguneqarsimasullu arlaat ataaseq arlaannaanulluunniit attuumassuteqanngitsumit makinneqartunngussaaq. Makitsineq tamanit malinnaavigineqarsinnaassaaq.
- Akkerliulluni oqaaseqaatinik imaluunniit tunngaviumik pilersaarutaaratarsinnaasunik piffissami allagarsiivimmi tigusaqartoqassanngippat tunngaviumik pilersaarutit qinnuteqartoq nunaminertamik atugassaminik inniminniissunneqarsinnaalissaaq, taannalu ukiut marluk angullugit atuutissaaq. Tamatum kingorna sanaartortitsisup siunnersorti kommunip

pilersaarutaata tapianik suliaqartissavaa, tamanna ima paasineqassaaq; sanaartortitsisup kommunip pilersaarutaata tapia akilerlugu suliaritissavaa. Kommunip tunngaviusumik kommunip pilersaarutaata tapianik suliaqarnerani allaaserinneriaaseq atorineqassaaq aamma kommunimut wordinngorlugu TAB-filertalerlugu (MapInfo-formatinngorlugu) imaluunniit dwg-filet (AutoCad-format atorlugu) utertinneqassaaq.

- Kommunip pilersaarutaata tapiatut siunnersuut tamanut tusarniutitut nassiunneqartinnagu kommunip siunnersuut misissussavaa, imarisai ajunnginnersut qulakkeerinninniarluni. Kommunip pilersaarutaata tapianik suliaqarnermi kommunip peqataatinneqartarnissaa innersuussutaavoq, tassami kommuni tassaavoq taassuma imarisaanik akisussaasussaaq.
- Kommunip pilersaarutaata tapiatut siunnersuut kommunalbestyrelsimit akuerineqartussaavoq tamatum kingorna tamanut sapaatip-akunnerini arfiniliinniit quligiluanut sivilissussulimmik tusarniutigineqassaaq (immikkoortorta qataaseq pineqartillugu sapaatip-akunneri arfiniussapput aamma immikkoortortat arlallit pineqartillugit sapaatip-akunneri arfineq-pingasussapput). Taamaattorli pisuni tamani tusarniaaneq sapaatip-akunnerinik arfinilinniit arfineq-pingasunut sivilissussulimmik pissanersoq, naalakkersuinermik suliallit aalajangersinnaapput.
- Piffissami tusarniaaffiusumi malunnaatilimmik akerliulluni oqaaseqaatinik tigusaqartoqarsimassanngippat kommunip pilersaarutaata tapia inaarutaasumik akuersissutigineqarsinnaavoq aamma tamanut nalunaarutigineqarsinnaavoq. Akerliulluni oqaaseqaatinik tiguisoqarsimappat kommunalbestyrelsi aalajangersinnaavoq kommunip pilersaarutaata tapia akuerineqassanersoq, allanngortinneqassanersoq imaluunniit akuerineqarsinnaassanngitsoq. Kommunip pilersaarutaata tapia malunnaatilimmik allannguuteqassappat sapaatip-akunnerini arfiniliinniit arfineq-pingasunut sivilissussulimmik aammaarluni tusarniaaqqinnissaaq piumasaqaataassaaq.
- Kommunip pilersaarutaata tapia akuerineqareerpat aamma tamanut nalunaarutigineqareerpat nunaminertamik atuisinnaanermut akuersissut qinnuteqartumut tunniunneqarsinnaalissaaq.